



*Sabtu, 14 Oktober 2023*  
**Ogen : Kuan-kuan 31: 13-19**



**Erbintuas Dingen Mejingkat**



**A**yat-ayat enda nuriken kerna sekalak nande ras ndehara si sempurna. Kerina isi geluhna icidahken selaku kalak si malang man Tuhan, erkuah ate nandangi jelma si musil, setia ras erkekelengen man isi jabu. Tentuna e jadi perayakenta kerina Moria. Realitana, la kap kerina bidang kita beluh ras ngasup. La kerina kita ngkuasaisa kecerdasen ras kebeluhen bagi si lit bas kitab enda.

Kita Kuan-kuanen enda e me pujin raja Lemuel kerna kemberahenna. Pesan si isehken kitab enda e me gelah kita tetap erkemalangen man Tuhan, lit jiwa kepate i bas kita bage pe sicidahken kekelengen alu ngoratken isi jabunta. Prinsipna labo segelah serta, mulai langa terang seh mbages gelap erbintuas, tapi asa kengasupen ras palas gegeh si rehna bas Tuhan nari, bage me kita ngaturken jabunta.

Bas masa genduari, kita rusur tergoda i bas kesenangan. Buen waktuta terganggu bas media sosial ntah pe sinetron. La si gejab melala waktunta keru ndahiken dahin si sia-sia arah handphonta. I bas situasi si bage, iarpaken Moria tetap sadar, ula terlarut. Moria jadi *reminder* ntah pe si mpersingetti si pemena lebe man diri sendiri. Maka ngurus rumah tangga salah sada dahin si mulia. Mpeserap waktu khusus guna ertoto, bage pe ngelai jabu alu erbintuas ras mejingkat nikapken pangan ntah pe keperlun anak jabu. Sabap sentuhan seorang ibu bagaikan sentuhan seorang malaikat. Adi la nggit Moria mejingkat maka "tendi jabu" e pe la lit.

Mari si semangat dirinta, i tengah-tengah arus jaman enda, kita pasti ngasup ngelawan sura-sura daging gelah ngasup ngelai anak jabu ras mpermuliaen Dibata.

☞ *I bas diberu lit gegeh guna nepa, mpekena-kena ras ngubahiken*